

1465

1198

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo saobraćaja



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство саобраћаја

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Traffic

Broj:01-05-8345-73-1/19 SS  
Sarajevo, 15.05.2019. godine

**KANTON SARAJEVO**  
**SKUPŠTINA KANTONA SARAJEVO**  
- ovdje-

N/r Predsjedavajućeg Skupštine

**Predmet:** Odgovor na Zastupničko pitanje

Zastupnica Bilsena Šahman na Šestoj radnoj sjednici Skupštine Kantona Sarajevo, održanoj dana 06.03.2019. godine, u okviru tačke Dnevnog reda: “ Poslanička/zastupnička pitanja, inicijative i odgovori”, a u skladu sa Poslovníkom Skupštine Kantona Sarajevo pokrenula je zastupničku inicijativu:

**Inicijativa:**

“ Da li je određena lokacija za odlaganje napuštenih i oštećenih vozila koja nepotrebno zauzimaju parking mjesta na raznim lokacijama na području Kantona Sarajevo, ako nije dokle se stiglo s tim? Ako nije ništa poduzeto po tom pitanju onda pokrećem inicijativu da se konačno krene ka rješavanju ovog problema u Kantonu Sarajevo.”

**Odgovor:**

Odredbama člana 88. stav (1) Zakona o uređenju saobraćaja na području Kantona Sarajevo (“Službene novine Kantona Sarajevo”, br. 30/17, 46/17), propisano je da je Ministarstvo unutrašnjih poslova Kantona Sarajevo nadležno da vrši evidenciju i uklanjanje oštećenih, dotrajalih, napuštenih i neregistrovanih vozila i olupina.

Izuzetno od stava (1) ovog člana, uz prethodnu saglasnost MUP-a, premještanje vozila i olupina obavljaju organizacija, pravno ili fizičko lice koje ovlasti nadležno ministarstvo unutrašnjih poslova ( stav (2)).

Troškove premještanja vozila i olupina u slučajevima iz člana 87. ovog zakona snosi vlasnik vozila i olupine.

Visinu troškova premještanja vozila i olupina i lokaciju odlaganja vozila i olupina, u skladu sa odredbama ovog zakona utvrđuje Vlada Kantona Sarajevo.

Ministar saobraćaja imenovao je radnu grupu za pripremu propisa o visini troškova premještanja vozila i olupina i lokacija odlaganja vozila i olupina iz člana 86. stav (1) Zakona o uređenju saobraćaja i način utvrđivanja vlasništva te drugih pitanja vezanih za vozila i olupine iz člana 86. stav (1) ovog zakona, a




web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



koja će pripremiti propis na način da će Općine imati nadležnost za uklanjanje gore navedenih vozila ( član 101. stav (g) istog zakona) ukoliko se vozila nalaze na područje te Općine. Općine u svom sastavu imaju inspektore za ceste saobraćajne struke koji imaju ovlasti da rješenjem narede vlasniku vozila da ukloni vozilo sa javne površine u određenom roku, u suprotnom će biti uklonjeno od strane MUP-a, a na račun vlasnika vozila.

Nakon usvajanja ovog propisa od strane Vlade, Ministarstvo unutrašnjih poslova u saradnji sa KJKP "Rad" doo Sarajevo, moći će pristupiti evidentiranju i uklanjanju oštećenih, dotrajalih, napuštenih i neregistrovanih vozila i olupina, te na taj način stvoriti uvjete za povećanje broja parking mjesta na javnim parkinzima.



Dostaviti:

1. Naslovu
2. Stručna služba Vlade
3. A/a



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

